

傷

寒

辯

證

傷寒辨證

卷二

三原 陳堯道 素中著

陽信 勞鳳翔 虞廷訂

陽證二十

凡○治○傷○寒○之○要○在○乎○明○辨○陰○陽○二○候○之○妙○若○夫○陰○陽○
莫○辨○是○非○紊○亂○而○曰○不○誤○于○人○者○未○之○有○也○凡○陽○證○
面○紅○光○彩○唇○紅○口○乾○舌○燥○能○飲○涼○湯○冷○水○其○人○則○身○
輕○易○于○轉○動○常○欲○開○目○見○人○喜○言○語○其○聲○響○亮○口○鼻○

醫家不知
此論何足
與言治傷
寒乎

之氣往來自然小便或赤或黃大便或秘或鞭手足
自溫煖爪甲俱紅活此皆陽證之大略也
杜清碧曰傷寒陽熱之證傳經之邪變態不一辯之
不精則汗吐下三法之治一差死生反掌矣非比陰
寒之邪中在一經不復傳變易于治也不過隨寒邪
輕重用溫藥治之一定之法耳今之庸工好用熱藥
而不知涼藥之妙且難也

陰證

二十
五

凡陰證面色青黑或有虛陽泛上雖面赤色而不紅

活光彩也。其人身重。難以轉側。或喜向壁臥。或踈臥。欲寐。或閉目不欲見人。懶言語。或氣少。難以布息。或口鼻之氣。往來自冷。其聲音不響亮。或時躁熱煩渴。不能飲水。唇口或青。或紫。舌色或青。或紫。或白。胎而滑。不見紅色。手足自冷。爪甲或青。或紫。血不紅。活小。便清白。或有淡黃。大便不實。凡熱在肌表之分。以手按之。殊無大熱。陰盛者。則冷透手也。雖是發熱。與陽證有別。不可以面赤煩渴。誤作陽證。須要詳辯明白。可也。又有本是陽證。誤用寒藥。而變爲虛寒。此始本

沿傷寒要
影在此

陽邪末傳寒中之證。自當用溫補之藥。但其根源從陽證來者。溫經藥中。不得不兼制陽藥。若峻用辛熱。則真陰立槁矣。仲景于真武湯中。用芍藥。卽此義也。

陽證似陰

六二十

夫陽證似陰者。乃火極似水也。蓋傷寒熱甚。失于汗下。陽氣亢極。鬱伏于內。反見勝己之化于外。故身寒逆冷。神氣昏昏。狀若陰證。大抵唇焦舌燥。能飲水。大便秘。鞭小便赤色。設有稀糞外出者。此內有燥糞結聚。乃傍流之物。非冷利也。再審有屁極臭者。是也。其

若認證不
與輕率用
藥其殺人
也必矣
陰似陽處
庸工至此
每多束手
反爲上策

脈雖沉切之必滑而有力。指甲紅而溫。指甲卽青。但
青中必帶深紫。與陰證之青黑不同。或識語有力。此
陽證也。大抵陽證似陰。爲外寒內熱。小便必赤濇。輕
者人參白虎湯。或小柴胡湯。合解毒湯主之。內實者
須下之。宜調胃承氣湯。或有潮熱者。以大柴胡加芒
硝下之。若大實大滿秘而不通者。以大承氣湯下之。
必須仔細審察輕重。酌量用之。蓋此與陽盛拒陰例
同。王太僕所謂病人身寒厥冷。其脈滑數。按之鼓擊
于指下者。非寒也。此名陽盛拒陰也。要在詳審而已。

陰證似陽

二十
七

夫陰證似陽者。乃水極似火也。蓋傷寒傳變。或誤服涼藥。攻熱太甚。其人素本腎氣虛寒。遂變陰證。冷甚于內。逼其浮陽之火。發于外。爲微陽失守。而上浮。其人面赤煩躁。身有潮熱。渴欲飲水。復不能飲。大便陰結不通。小水淡黃。或嘔逆。或氣促。或鄭聲。或咽喉痛。所以狀似陽證。或者不識。見面赤煩渴。大便秘結。認作陽證。妄投寒涼之藥。下咽遂斃。可不謹哉。切其脈沉細微遲。指甲或青黑色。太抵陰證似陽。爲上熱下

寒小便必清白。急以通脈四逆湯倍加人參附子以接其真陽之氣。爲之緊要之治。設或差遲。遂至陰盛陽衰。參附亦不能救矣。此與陰盛格陽例同。王太僕所謂身熱脈數。按之不鼓。擊者。此名陰盛格陽。非熱也。東垣又謂之面赤目赤。煩渴引飲。脈來七八至。按之則散者。此無根之脈。用薑附湯加人參治之而愈。此陰陽幽顯之奧。水火徵兆之微。學者當求內經之旨。則造化之理可得而明矣。

陽毒

八二十

大。無。不。可。
用。承。氣。而。
所。三。黃。石。
有。湯。之。理。

陽毒者邪熱深重。因失汗失下。或誤服熱藥。熱毒散漫。舌捲焦黑。鼻中如烟煤。咽喉痛甚。身而錦斑。狂言直走。踰垣上屋。登高而歌。棄衣而走。脈洪大滑促。五日者可治。陽毒升麻湯。黑參升麻湯。大黃散。詳證治之。過六七日不可治矣。大約宜三黃石膏湯。黃連解毒湯。加減施治。慎不可以熱盛而誤下之。蓋此證之熱散漫于外。故以攻爲禁也。陽毒甚者。宜用水漬法。以水漬布。薄之。疊布數重。新水漬之。稍拭去水。搭于胸上。須臾蒸熱。又漬令冷。如前薄之。仍數換新水。日

數十易。曾見虛人大熱。如此治之而愈。不可忽也。

陰毒

九二十

陰毒者。腎本虛寒。或傷冷物。或感寒邪。或汗吐下後。變成陰證。頭痛。腹中絞痛。眼睛痛。身體倦怠。而不甚熱。四肢逆冷。額上手背有冷汗。舌上胎黑而滑。恍惚身痛。如被杖。虛汗不止。鄭聲。喘逆。六脈沉微。或尺衰寸盛。或沉細而疾。一息七至。五日可治。四逆湯。真武湯。霹靂散。詳證治之。六七日不可治矣。陰毒甚者。須用熨灸法。用吳茱萸。熨用葱熨。灸氣海。關元。丹田穴。

真有起死回生之功不可忽也

發熱三十

凡○治○傷○寒○當○發○熱○之○初○最○爲○緊○要○關○隘○卽○當○詳○慎○辨○證○治○療○此○時○用○藥○稍○不○確○當○必○變○證○百○出○而○成○壞○病○矣○凡○溫○病○熱○病○發○熱○其○熱○自○內○而○達○外○斷○無○正○發○汗○之○理○如○發○熱○頭○痛○而○渴○爲○熱○之○輕○者○宜○黃○苓○湯○或○小○柴○胡○湯○去○參○半○加○桔○梗○黃○連○天○花○粉○枳○殼○葛○根○之○類○如○發○熱○陽○盛○佛○鬱○兩○目○如○火○鼻○乾○面○赤○舌○燥○齒○黃○譫○語○喘○息○爲○熱○之○重○者○宜○三○黃○石○膏○湯○或○河○間○雙○解○散○

發熱卽分
溫熱病與
傷寒異治
此爲第一
緊要關隘

發熱有參
端最宜詳
審此時治
得其宜粉
紛變證何
自而起乎

加減治之。卽兼非時暴寒發熱惡寒頭痛而脈浮緊者。亦不可純用表劑。宜清裏兼解表。以取微汗。正傷寒自當詳發熱之表裏輕重。以施治。如翕翕而熱者。表也。謂若合羽所覆。明其熱在外也。麻黃湯。桂枝湯。沖和湯。擇用。蒸蒸而熱者。裏也。謂若熏蒸之蒸。明其熱在內也。輕者大柴胡湯。重者承氣湯。半表半裏者。表裏俱熱而輕於純在裏也。宜小柴胡湯。太陽經以表爲標。膀胱爲本。凡發熱頭項痛。腰脊強。若脈浮緊。無汗。此寒在標也。宜麻黃湯汗之。若發熱脈浮緩。自

汗。此風在標也。宜桂枝湯。或沖和湯。和之。若脈浮發熱。煩渴。小便不利者。此爲熱在本也。五苓散主之。陽明經以肌肉爲表。胃爲本。凡肌熱。目痛。鼻乾。乃熱在標也。葛根湯主之。若表裏俱熱。口渴飲水。脈洪數者。熱在標本。宜人參白虎湯解之。若不惡風寒。反惡熱。或蒸蒸而熱者。熱在本也。內實大便鞭。脈洪數者。調胃承氣湯下之。凡少陽經從乎中治。所以主半表半裏之熱。或往來寒熱。脈弦數。口苦胸滿。耳聾脇痛者。只宜小柴胡湯和之。少陽經病止。宜小柴胡湯加減。

陰盛發熱。
用藥不可
造次。

本病因邪深入而不能傳散。故用方多以小柴胡湯加芒硝。或大柴胡湯。大抵熱在太陽。禁下。熱在陽明。忌利小便。熱在少陽。忌汗。忌下。忌利小便。傳入陰經。則不發熱。惟少陰能發熱。然少陰發熱有二證。初得病。卽見少陰證。發熱惡寒。頭不痛。宜麻黃附子細辛湯。若下利清穀。身熱躁擾。裏寒外熱。仲景謂之反發熱。此乃陰盛隔陽。宜四逆湯。附子理中湯。蓋陽氣傳陰經而下利者。乃是熱利。陽陷入裏外。所以無熱。陰氣入陰經而下利者。乃是裏寒自利。寒旣在裏。爲主。

則陽氣必客于外。所以外反熱。要知陰證發熱。自是不同。發于陽而發熱者。頭必痛。發于陰而發熱者。頭不痛。此爲驗也。又太陽以惡寒發熱爲進病。恐其邪氣傳裏也。厥陰以厥少熱多爲病退。喜其陰盡陽復也。然熱氣有餘。又爲內外癰膿便血之兆矣。熱有多端。不可不詳辨也。

惡寒

三十

背惡寒

惡寒者。不見風亦惡寒。身雖熱不欲去衣被也。惡寒多屬表證。而有虛實之別。以有汗者爲虛。無汗者爲

實也。若欲攻其熱者。但有惡寒爲表不解。不可攻也。當先解其表。而不惡寒反惡熱。此爲表解。乃可攻裏。然亦有少陰之惡寒者。則踰臥足冷。脈沉細。宜溫之。而不可發汗。心振寒。脈微細者。此內外俱虛也。宜常歸四逆湯。真武湯。又有止稱背惡寒者。蓋人身之陰陽。背爲陽。腹爲陰。陽氣不足。陰寒氣盛。則背爲之惡寒。陽微陰盛之機。已露一斑。經所謂少陰病一二日。口中和。而背惡寒者。當灸之處。以附子湯者是已。又或陽氣內陷入陰中。表陽新虛。有背微惡寒者。經所

惡寒有陰
陽寒熱

謂傷寒無大熱。口燥渴。心煩。背微惡寒者。白虎加人參湯主之者是已。蓋微者不甚也。若少陰則寒甚也。二者一爲陰寒氣盛。一爲陽氣內陷。蓋陰寒爲病。不能消耗津液。故於少陰病則曰口中和。及陽氣內陷。則熱燥津液爲乾。故於陽明病則曰口燥舌乾而渴也。二者均爲背惡寒。要辨陰陽寒熱不同。亦於口中潤燥可知。不可不仔細辨之也。溫熱病無惡寒。若有惡寒者。或有暴中風寒也。傷寒惡寒。全不發熱。六脈緊細。素稟虛寒。而不能發熱。此固太陽寒傷營證。但

惡風有解
米溫無雨

極虛感寒。無正發汗之理。宜黃耆建中湯。製生附汁。予者內以助衛氣。

惡風三十

惡風者。見風則惡。密室中則無所惡也。惡風雖屬表。而發散又自不同。若無汗惡風。則爲傷寒。當發其汗。若汗出惡風。則爲傷風。當解其肌。裏證雖具。而惡風未罷者。皆當先解其外也。又有汗多亡陽。與風濕皆有惡風之證。蓋以發汗多。漏不止。則亡陽。外不固。是以惡風也。必以桂枝加附子湯。溫其經而固其衛風。

濕相搏骨節痛煩。濕盛自汗而皮腠不密。是以惡風也。必以甘附子湯散其濕而實其衛。

往來寒熱

三十

傷寒往來寒熱邪正分爭也。蓋寒爲陰。熱爲陽。裏爲陰。表爲陽。邪客于表與陽爭則發寒矣。邪入于裏與陰爭則發熱矣。表邪多則寒多而熱少。裏邪多則熱多而寒少。邪在半表半裏之間。外與陽爭而爲寒。內與陰爭而爲熱。表裏之不拘。內外之無定。由是寒熱往來而無常也。故以小柴胡湯立諸加減法以和解。

往來寒熱
有小柴胡
治大柴胡

之。又寒熱往來。與寒熱如瘧。似是而非也。然寒熱如瘧者。作止有時。正氣與邪爭。則作。分則止矣。往來寒熱。則作止無時。往來無常。日有三五發。或十數發。此其與瘧異也。雖治往來寒熱。屬半表半裏。當和解之。又有病至十餘日。熱結在裏。復往來寒熱。又宜大柴胡湯下之。凡少陽證寒熱往來。必先與小柴胡湯和之。服後不解。若其脈反浮者。當與柴胡桂枝湯。使其邪從表而散。若脈加數者。當與大柴胡湯。使其邪從裏而出也。

潮熱有承
氣小柴胡
之異治

潮熱三十
四

潮熱者如潮水之潮。其來不失其時。蓋陽明屬土。應
時則旺于四季。應日則旺于未申。故必日晡發者為
潮熱。陽明內實也。則宜下。若日三五發者。即是發熱。
非潮熱也。又須切脈之實大沉實有力。再審病人臍
腹脹滿否。以手按之則鞭而痛。手足心併腋下濇濇
然有汗。此內實有燥糞也。以承氣等湯詳輕重用之。
務要酌度適中。病情不可太過不及。若發在寅卯辰
巳時分。且未可下。宜小柴胡湯。陽明病發潮熱。大便

煩熱有宜
發表有宜
和中。有宜
溫補。

瀉小便自可。胸脇滿不去者。宜小柴胡湯。又脇下硬滿。不大便而嘔。舌上白胎者。可與小柴胡湯。則澀澀然汗出而解也。故凡潮熱者。必先用小柴胡湯。若熱不除。內實可下者。大柴胡湯主之。

煩熱

五

煩熱者。因發熱而煩躁不安也。有表熱不得汗出而煩者。其脈浮而數。須發汗則愈。若煩而渴。脈弦數者。乃屬半表半裏也。宜小柴胡湯。去半夏加栝蒌根主之。若煩渴舌燥。脈洪數。飲水者。人參白虎湯。竹葉石

陰證煩熱
用藥不可
造次

膏湯主之。若足冷脈沉細而微者。此陰證之類。煩也。急用人參附子溫之。若內傷勞役陰虛火動而煩者。其人身倦無力。自汗尺脈浮虛。宜補中益氣湯加麥冬生地之類。又不可不知也。凡傷寒六七日手足三部脈皆至大煩。煩者熱也。而口噤不能言。其人躁擾者。欲作汗解也。若脈和大煩目重。臉內際發黃者。此亦汗出而解也。所以言大煩者。以肌表大熱。則是邪熱欲去。泄達于外也。故爲欲解。然必以脈爲主。若脈不至而大煩不能言。脈不和而目黃大煩。其病爲進。不可

目汗有桂
枝承氣四
逆白虎之
異治

統一而論也。

自汗三十
六

自汗者。不因發散而自然汗出也。然有表裏之別。虛
實之異焉。汗出惡風。及微惡寒者。皆表未解也。宜桂
枝湯。或小建中湯。或黃耆建中湯。陽明病發熱汗多。
不惡風寒。表證罷。裏證實也。承氣湯主之。非若邪氣
在表而汗出之可緩也。漏風亡陽者。桂枝附子湯主
之。凡陰證四逆。額上及手背冷。汗出者。急宜四逆湯
溫之。凡自汗出。小便難。脈沉者。桂枝附子湯加茯苓。

凡自利厥逆。大汗出者。四逆湯。溫病誤服表藥。大汗出。煩渴不解。脈洪大者。白虎湯主之。若發熱而利。自汗不止者死。若大汗出。熱反盛。狂言不食者死。若汗出。髮潤。喘而不休者死。若汗出如珠不流者死。又不可不知也。

盜汗

三十
七

盜汗者。病人睡着而汗出也。是自邪在半表半裏。何者。若邪氣一切在表。干衛則自然汗出也。此則邪氣侵行於裏。外連於表。及睡則衛氣行於裏。乘表中陽。

盜汗。責其
屬之有熱。
亦有陰虛
火動。

氣不殺。津液得泄。故但睡而汗出。覺則氣散於表而
汗止矣。雜病盜汗。責於陽虛血熱。傷寒盜汗。責於半
表半裏。知其膽有熱也。專主小柴胡湯爲常。經曰微
盜汗出。反惡寒者。表未解也。宜小柴胡湯。經曰陽明
病脈浮者。必盜汗出也。蓋脈浮乃陰虛火動所致。當
歸六黃湯主之。溫病熱病得汗後。大熱除而盜汗出。
宜小柴胡去半夏加橘皮。

手足心腋下汗

三十
八

此傷寒潮熱。手足心濇濇汗出。爲陽明胃實也。腋下

手足心熱
下汗有燥
尿痛瘕陰
毒之災

澼澼汗出。爲兼少陽膽實也。若大便秘。鞭者。以大柴
胡湯下之。若大便不鞭者。且與小柴胡湯和之。若病
人。手心熱。熱汗出。大便難。而譫語者。此有燥糞。爲熱
聚於胃也。調胃承氣湯下之。若陽明病中寒。不能食。
小便不利。手足澼然汗出者。此欲作病瘕。大便必初
鞭。後澹。此胃中虛冷。水穀不別故也。病瘕者。寒氣結
而爲積也。宜厚朴生薑甘草半夏人參湯。理中湯。加
木香。檳榔。不可下也。若額上及手背熱。然冷汗出
者。此屬陰毒傷寒。宜急溫之。蓋不可不辯也。

頭汗有宜
下者宜分
利者宜和
解者

頭汗

九三十

傷寒邪熱內蓄。蒸發腠理。遍身汗出者。謂之熱越。若
身無汗。則熱不得越。熱蒸於陽。故但頭汗出也。熱不
得越。陽氣上騰。譫語者。宜承氣湯。頭汗出。劑頸而還。
小便不利。渴飲水漿。此爲鬱熱在裏。身必發黃。宜茵
陳五苓散。心下滿。頭汗出。水結胸也。小半夏茯苓湯。
陽明病。下血譫語。此爲熱入血室。但頭汗出者。宜小
柴胡湯。加牡丹皮。傷寒五六日。已發汗而復下之。胸
脇滿微結。小便不利。渴而不嘔。但頭汗出。往來寒熱。

心煩及傷寒五六日頭汗出微惡寒手足冷心下滿口不欲食大便鞭脈細結此皆邪在表裏兩間令頭汗出也可與小柴胡湯此數者俱是熱鬱於內而不得越者也或下或分利或和解皆欲除其熱也若中濕誤下之頭汗出小便利者死又下後額上汗出而喘小便反秘者亦死二者乃頭汗之逆以陰陽上下俱脫也關格不通不得溺頭無汗者生有汗者死若元氣下脫額上汗如貫珠者死脈經曰陽氣上出汗見於頭五內枯乾胸中空虛醫反下之此爲重虛也

頭痛有冲
和柴胡建
中承氣之
異治

蓋頭汗有死生之分。須詳辨之。

頭痛 四十

太陰少陰有身熱而無頭痛。蓋二經皆不上頭故也。
厥陰有頭痛而無身熱。若身熱又頭痛。屬陽經也。頭
痛發熱無汗惡寒。麻黃湯。頭痛發熱有汗。羌活沖和
湯。大便六七日不通。頭痛有熱。小便清者。不在裏。仍
在表也。羌活沖和湯。頭痛甚者。必衄。葛根蔥白湯。少
陽頭痛。頭角痛。或耳中痛。脈弦數。口苦發熱。或往來
寒熱。並用小柴胡湯。厥陰頭痛。嘔而吐沫。吳茱萸湯。

溫熱病頭痛
禁表
藥止該清
其表熱

分頭痛有部

厥陰頭痛。脈微浮爲欲愈。如不愈。小建中湯。陽明頭
痛。不惡寒。反惡熱。不大便。調胃承氣湯。溫病熱病初
起。頭痛。不可用表藥。或黃芩湯。或白虎湯。加葛根。葱
白。以治外。或涼膈散。雙解散。加葱白。生薑。合內外而
治之。裏氣一通。頭痛自愈。不可拘於初病。當解表。不
可清裏之例也。頭痛各有部分。如太陽頭痛。自腦後
上至巔頂。下有項強腰背痛之異。以太陽經行身之
後也。陽明頭痛。上連目珠。痛在額前。兼鼻孔乾。下有
身熱不眠之分。以陽明經行身之前也。少陽頭痛。上

此雖內傷
頭痛之治
法亦可倣
其意以治
傷寒

至兩角。下有耳聾脇痛之殊。以少陽經行身之側也。
凡血虛頭痛。必用當歸。川芎。氣虛頭痛。必用人參。白
朮。黃耆。氣血兩虛者。必以八珍湯加細辛。藥本。蔓荊
子。或補中湯加川芎。細辛。藥本。蔓荊子。凡痰證頭痛。
必以二陳湯爲主。加治頭痛之藥。痰火頭痛。必用黃
芩。竹瀝之類。

身痛

四十

凡太陽經病。脈浮緊。身體痛。骨節痛。惡寒無汗者。以
麻黃湯汗之。若自汗者。不可汗。以九味羌活湯和之。

身痛有陰陽二證

凡少陰心足寒身體痛骨節痛脈沉者附子湯主之。然此陰陽二證一般身痛用藥則相去霄壤浮沉之脈要在指下諸識若誤發少陰經汗則爲下厥上竭而死可不慎哉。凡一身盡痛發熱發黃頭汗出背強小便不利者濕也茵陳五苓散。身痛下利清穀者表裏俱寒也先救裏宜四逆湯救表宜桂枝湯。身痛如被杖脈沉厥冷者陰毒傷寒也宜詳辨之。

筋惕肉瞤

四十

夫惕者筋脈動跳也。瞤者肌肉蠕動也。此皆因發汗

筋惕肉瞤
多主于虛

攻下太過邪熱未解血虛氣奪。筋肉失其所養。故惕
惕而跳動也。瞤動兼肢冷者。真武湯主之。輕者茯苓
桂枝甘草白朮湯。汗下後見此證者。加味人參養榮
湯。或建中湯。若汗後虛煩不得眠。筋惕肉瞤。加味溫
膽湯主之。若不輕發汗。筋脈惕動。潮熱來尤甚。大便
秘結不行。小便紅澁。以手按臍傍。輒痛。此燥糞也。以
加味大柴胡湯下之。若不因汗下。始病便見筋惕肉
瞤者。必元氣久虛。或失血房勞後。及新產感冒。致有
是證。若誤用表藥。必無生理。大抵要在詳辨虛實而

傷寒大頭
有分

治之

傷寒大頭

三四十發頤

大頭者時毒也。蓋天行疫毒之氣。人感之爲大頭也。若發於鼻頰兩目。並額上面部。焮赤而腫者。此屬陽明也。若發耳之上下前後。並頭角紅腫者。此屬少陽也。若發於頭上。並腦後下項。及目後赤腫者。此屬太陽也。服藥須加引經之藥。且邪在空虛之處。治之不宜速。速則過其病。所謂上熱未除。中寒復生。必傷人命。當徐徐浸漬。無形之邪。藥之性味。形體皆要。

大通。有生
有死。

離緩體。並宜普濟消毒飲。或防風通聖散。各加引經藥。增損治之。更宜小劑頻服。藥須並用酒浸炒。若內實大便結燥。以酒浸大黃微利之。若虛人兼益元氣。至若項外腫。喉內亦腫痛。聲音不出者。不治。必須認得。又有所謂發頤者。以傷寒汗出不徹。熱遺少陽。結于耳後。或耳下其形鞭腫者。名曰發頤。速宜消散。緩則成膿爲害。頤屬陽明經部分。若發於頤。藥中必加白芷。蔥白。以通陽明之經。慎不可外敷寒涼藥。

結胸

四十

結胸證有
多般宜詳
審

經曰。病發於陽而反下之。熱入裏作結胸。謂表證當汗也。應當發汗以解之。而反下之。則外邪乘虛內陷。結于心下。乃爲結胸也。按之則痛。小結胸也。小陷胸湯主之。不按亦痛。大結胸也。大陷胸湯主之。心下妨悶。無大熱者。寒實結胸也。或有停食。枳實理中丸主之。崔行功云。傷寒結胸欲絕。心膈高起。手不得近。用大陷胸湯。皆不得瘥者。此是下後虛逆。氣已不理。而毒復上攻。氣毒相搏。結於胸者。當用枳實理中丸。先理其氣。次療諸疾。古今用之如神。丹溪云。病在表面。

誤攻裏可謂虛矣。借曰陽氣內陷。心下因鞭而可迅
攻。之乎。况已下者不可再下。寧不畏其虛耶。故陷胸
湯不可輕行。而理中在所宜用也。且誤下之初。未成
結胸者。急宜頻服理中湯。自然得解。更不作結胸也。
若飲水不散。但頭汗出。心下滿。揉之有聲。汨汨者。水
結胸也。若半夏茯苓湯主之。大約脈沉緊沉滑沉實。
或數大有力者。乃可攻之。若脈微沉細。手足冷者。爲
難治。若欲散之。宜四逆湯。凡結胸有兼發黃。或發斑。
或發狂。或脈遲者。皆爲最重之證。又結胸證悉具。煩

躁者死。又結胸脈來浮大者。猶帶表邪。未全結實。不可下。下之則死。須詳辯之。

痞氣

四十
五

經曰。病發於陰。而反下之。因作痞。以下之太早故也。謂內挾痰飲。外感風寒。裏之陰分。已受邪熱。爲病中氣先傷也。或熱微下證未全。不任轉瀉也。而醫反下之。則裏之微熱雖除。表之熱邪又至。表邪乘虛內陷。結於心下。但鞭滿而不痛者。雖不結胸。亦成痞氣也。若不因下早而爲痞者。或痰或食或氣爲之結也。各

寒熱不同

有冷熱之不同。要在辨而治之。大約輕者通用枳桔湯。若實熱而爲痞者。內實熱盛。不大便。手足溫。其脈關上浮者。大黃黃連瀉心湯主之。如寒多熱少。胸滿脈濡者。半夏瀉心湯主之。如冷熱之偏勝者。上有濕熱。下有陳寒也。心下痞而復惡寒汗出者。附子瀉心湯主之。以惡寒汗出。雖有濕熱痞聚于心下。而挾陽虛陰盛之證。故于大黃黃連瀉心湯內。另煎附子汁和服。以各行其事。共成解痞之功。乾嘔有水氣者。生薑瀉心湯主之。下利腹鳴者。此非結熱。但以胃中虛。

客氣上逆。故心下痞鞭也。甘草瀉心湯主之。要知瀉心非瀉心火之熱。乃瀉心下之痞滿也。痞滿胃寒。欬逆。理中湯。若外證未除。而數下之。爲重虛其裏。邪熱乘虛而入。裏虛遂挾熱而利。心下痞鞭。表裏不解者。桂枝人參湯主之。卽理中加桂枝而易其名。爲治虛痞下利之的方。若本以下之故。心下痞與瀉心諸湯不解。其人渴而煩躁。小便不利。五苓散主之。蓋五苓有兩解之法。功擅潤津滋燥。導飲蕩熱。亦消痞滿之良法也。若發熱汗出不解。心下痞鞭。或吐。或下利。脈

清數或關脈沉緊以大柴胡湯下之。蓋外邪不解轉入於裏。心中痞硬。嘔吐下利。攻之則礙。表不攻則裏證又迫。計惟有大柴胡一湯合表裏而兩解之。大凡胸脇痞結未經攻下而成者。此或痰或食或氣凝滯。而然只須小柴胡湯加枳實桔梗以開之。曾經下後此爲外邪陷入而爲痞結。方可用陷胸瀉心等劑以疏導之。若不分曾下未下。但見心下脹滿。便以爲痞結。輒用攻下之藥。反成真痞結矣。結言胸痞言心下結。言按之石韌。痞言按之濡。結言寸脈浮。關脈沉。痞

不言寸。而但曰關上浮。可以知其病之分矣。

張氏發明曰。或謂成註云。無熱而惡寒者。發於陰也。既無熱而惡寒。爲陰證。安有下之之理。又豈止作痞而已哉。夫仲景所謂陰陽者。指表裏而言也。非此之謂也。病在表。則當汗。而反下之。因作結胸病。雖在裏。尚未入府。而輒下之。因作痞。所以成結胸者。誤下之故也。痞者。下之太早故也。經曰。脈浮而緊。浮則爲風。緊則爲寒。風則傷衛。寒則傷榮。又曰。脈浮而緊。復下之。緊反入裏。則作痞。由此推之。邪風入裏。則結胸。寒

邪人裏則爲痞。然此亦皆太陽病之所致。非陰證之所爲也。又云病在陽。應以汗解。陽指表證而言也。明矣。況痞證諸條。未有因無熱惡寒下之而成者。此成先生之誤也。

按經曰病發于陽而反下之。熱入因作結胸。病發于陰而反下之。因作痞。以下之太早故也。活人書曰應身熱下之。遂成結胸。應身冷反下之。遂成痞。成註曰發熱惡寒者發于陽也。無熱惡寒者發于陰也。吳仁齋徐東臯咸宗其說。此皆以陽爲熱以陰爲寒也。趙

氏釋疑。以風邪傷衛。服桂枝不解。爲病發于陽。以寒邪傷營。服麻黃不解。爲病發于陰。陶節菴亦主此說。此皆以病發于陽爲風傷衛。病發于陰爲寒傷營也。詳兩說俱不合。經惟發明之說。爲是。蓋病在表而反下之故。經止云因作結胸。至于病在裏。似乎可下。然病未入府。不任轉瀉。而輒下之。亦作痞。所以經再申明其意曰。以下之太蚤故也。

腹滿
六十四

腹滿者。腹中脹滿也。腹滿不減者。爲實。時滿時減者。

腹滿有虛
實寒熱之
不同

爲虛以手按之堅鞭而痛不可按者爲實可按可揉
而軟者爲虛凡腹滿時減復如故此虛寒從下上也
理中湯加厚朴木香主之凡腹滿屬太陰或吐食不
下宜理中湯加藿香厚朴陳皮半夏之類病人自言
腹滿他人按之不滿此屬陰證切不可攻攻之必死
宜四逆湯溫之凡汗後脹滿厚朴半夏甘草人參湯
聖之凡少陰病六七日不大便腹脹滿者急下之宜
承氣湯凡發汗後不解腹脹滿痛者急下之宜承氣
湯凡潮熱腹滿短氣而喘內實者宜下之以大柴胡

湯加厚朴。凡胸中有熱而欲嘔。胃中有寒而作痛者。宜黃連湯。大抵陽熱爲邪。則腹滿而咽乾。陰寒爲邪。則腹滿而吐利。食不下。若曾經汗吐下後。腹滿治各不同。故爲醫者。要識邪氣所起所在。審其所起。知邪氣之由來。觀其所在。知邪氣之虛實。汗下之不差。溫補之適當。則十全之功。自可得也。凡痞滿不拘寒熱。虛實遲早。便用熨法。以橘皮生薑蔥頭共搗爛。加麩皮半升。用紗絹包。烘熱熨痞滿處。至半日許。覺胸膈燥熱卽止。更以熱手順下揉之。

小腹滿有
腸有血

小腹滿

四十

小腹滿者。臍下脹滿是也。胸膈滿爲邪氣。小腹滿爲
有物。物者。溺與血耳。小腹滿。小便不利。溺瀦也。五苓
散。滲利之。小腹滿。小便自利者。畜血也。輕者。犀角地
黃湯。重者。桃仁承氣湯。小腹滿。手足厥冷。真武湯。主
之。不結胸。小腹滿。按之痛。厥逆。脈沉遲。冷結也。灸關
元穴。

腹痛

四十

凡腹中痛。按而痛甚。爲實。按而痛減。爲虛。陽邪痛者。

腹痛有部

腹痛有虛
有實有冷
有熱

其痛不常陰寒痛者痛無休歇腹痛須明部分中皖
痛屬太陰脾經分脈沉遲內寒者理中湯王之或附
子理中丸若陽脈濇陰脈弦小建中湯王之臍腹痛
者屬少陰腎經分脈沉者真武湯王之若小腹痛屬
厥陰肝經分脈逆者當歸四逆湯加吳茱萸王之或
四逆湯加吳茱萸若太陽病下之早因而腹痛者桂
枝加芍藥王之若內實腹痛繞臍刺痛煩躁發作有
時此有燥糞也以小承氣湯下之若大實腹滿而痛
不大便脈實者以大承氣湯下之若脈弦口苦發熱

腹中痛者。小柴胡湯去人參。加炒白芍藥主之。寒熱
交作。腹中痛。小柴胡湯加肉桂芍藥主之。若寒多而
痛。去黃芩。倍肉桂。芍藥。大抵腹痛有虛有實。有冷有
熱。要在辨脈證而治之。凡畜血亦令人腹痛。手不可
造尤宜詳辯。

咽痛四十

凡咽痛有多般。有陽毒咽痛。有陰毒咽痛。有太陽誤
邪咽痛。誤汗亡陽咽痛。有熱傳陽明咽痛。有熱傳少
陰咽痛。有寒中少陰咽痛。要在審察之。不可一例以

咽痛有多
端宜詳審

爲熱也。陽毒咽喉腫痛。口瘡赤爛。乃熱極也。陰毒咽
喉不利。厥逆下利。陰寒在下。逼其浮遊失守之火于
上。乃陰極也。太陽病誤下。若脈浮緊者。必咽痛。此邪
熱仍在膈上也。宜小建中加桔梗。誤汗大汗不止。亡
陽漏風而咽痛。脈反沉緊者。此陽虛而陰氣上乘也。
宜乾薑附子湯以溫經復陽。陽明病六七日不大便。
熱蒸頭痛。面熱咽痛者。宜調胃承氣湯。熱傳少陰而
咽痛者。以其經上循喉嚨故也。其脈必數而有力。其
證必燥渴引飲。便溺秘澀。赤短急。當下奪以泄其熱。

也。少陰咽痛。四逆泄利下重者。宜四逆散主之。少陰病二三日。咽痛者。可與甘草湯。不瘥者。與桔梗湯。此湯爲陰陽通用之藥。少陰病下利清穀。裏寒外熱。脈微欲絕。咽喉痛。面赤者。此陰盛格陽也。宜通脈四逆湯。加桔梗。脗直中陰經而咽喉驟痛。不腫不渴。始病無發熱。頭痛。脈來沉緊而細。其證或嘔吐清水。或瀉利清穀。或燥極悶亂。渴不能飲。脈來疾數無倫者。此鍊氣客于少陰之經。虛陽上逆之候。宜附子湯。四逆湯。急溫之。凡陽邪上逆而咽痛。宜甘寒以解其熱。陰

寒閉塞而咽痛。當辛溫以解其結。亦有初得病。頭痛發熱。無陽毒。少陰諸證。而咽喉自痛者。此因感冒後。頓用厚衣被堆擁。或用蠻法服生薑熱酒。卽臥。遂成上壅。或先有熱壅。欲取涼快。致爲外邪所襲。俗所云寒包火也。既有風寒。又有熱壅。宜參蘇飲。或人參敗毒散。倍加桔梗。若夫腎水本虛。而龍火勢盛。必挾痰飲于上。所以一發卽腫痛閉塞也。必當砭破出血。湧泄痰涎。後以六味丸料。加牛膝麥冬五味頻服。

呃逆有熱
有寒

呃逆者氣上逆而爲吃忒也。仲景作欬逆卽此證也。切勿誤作咳。咳者嗽也。亦勿誤作噦。噦者嘔也。卽此字之聲是也。呃逆者纔發咽喉則遽止。呃呃然連續數聲而短促不長。有因胃熱失下而作。有因胃中有痰飲而作。有因寒涼過多胃中虛冷而作。若失下呃逆內實大便鞭者。脈必應指有力。以承氣湯下之。便軟者生薑瀉心湯主之。胃虛有熱者橘皮竹茹湯主之。有痰飲者脈必弦滑。半夏生薑湯主之。脈微細呃逆者胃寒也。宜橘皮乾薑湯或加味理中湯。金匱要

略言其氣自臍下直衝于胸脇間呃逆者此陰證也。其病不在胃也。此爲肝腎虛寒之極。而挾陰火上衝。以病本下虛。內已伏陰。或誤用寒涼。遂令冷極于下。迫其相火上衝。率集于胃中。而爲吃忒。亦欲盡也。病人煩躁。自覺甚熱。他人以手按其肌膚。則冷。此爲無根失守之火。散亂爲熱。非實熱也。乃水極似火。陰證類似陽也。若不識此。誤用涼藥。下咽則斃。可不慎哉。須用加味附子湯。急溫其下。眞陽回。陰火降。吃忒乃止也。如冷極呃逆不止者。兼用硫黃乳香等分爲末。

咳嗽有寒
熱表裏之
殊。

酒煎。麝之。或艾灸中脘。關元。氣海。亦佳。但要取手足
溫。煖。脈生。陽回。陰退。則可生矣。呃逆。脈散者。死。呃逆
不尿。腹滿者。不治。凡久病而見呃逆者。此真氣已衰。
不治。舌短。灰黑。及頭汗不得尿。與大便自利而腹滿
者。不治。

咳嗽

一五十

咳嗽。謂有聲無痰。嗽。謂有痰無聲。咳嗽。則有聲有痰也。
肺主氣。形寒。飲冷。則傷之。使氣逆而不散。衝擊咽膈。
骨。喉中淫淫如癢。習習如梗。而咳嗽也。咳嗽有寒者。

臨熱病咳
宜清裏

有熱者有停飲者有在表者有在裏者有在半表半裏者病各不同治亦有異如停飲與表寒相合而咳者小青龍湯汗之停飲與裏寒相合而咳者真武湯溫之邪熱在半表半裏而咳者小柴胡湯加知母貝母天花粉主之凡陰證手足冷而咳者四逆湯加五味子主之溫病熱病咳嗽黃芩湯白虎湯並加竹葉若煩悶則涼膈散雙解散選用咳爲肺疾必待發散而後已然又有不可發者經曰咳而小便利不可發汗發汗則四肢厥冷又曰咳而發汗蹇而苦滿腹中

喘證雖有
多端大約
為惡候尤
宜詳審

腹堅。為逆也。又脈數者。為心火刑於肺金。則死。大抵傷寒咳嗽。不與雜病同。須察天時與病情。斟酌治之。

喘五十

凡表有寒發喘者。脈浮緊惡寒無汗也。宜麻黃湯汗之。若表有風發喘者。脈浮緩惡風自汗也。桂枝湯加厚朴杏仁主之。凡內有寒。心下有水氣。乾嘔發熱而喘者。小青龍湯主之。凡發汗後汗出而喘。無大熱者。無大熱表邪未解也。麻黃杏仁甘草石膏湯主之。凡太陽經病。

誤下之。脈促者。表未解也。喘而汗出者。葛根黃芩黃連湯主之。凡陽明病。內實不大便。腹滿短氣。發潮熱而喘者。宜大柴胡湯加厚朴杏仁。或小承氣湯亦可。凡陰證厥逆。脈沉細而微。氣促而喘。無汗者可治。宜四逆湯加五味子。細辛。若發熱脈沉而喘。宜麻黃附子細辛湯。凡虛人脈浮。若手足逆冷而喘者。五味子湯主之。凡暴感風寒。脈浮無汗而喘者。宜蘇沉九寶湯。凡熱甚有痰。脈弦數而喘。不可汗。不可下。以小柴胡湯加貝母瓜蒌仁和之。胸滿者。更加枳殼桔梗心。

下滿者加枳實黃連。舌燥飲水而喘。加知母石膏。傷寒此下邪氣在表而喘者。心腹必濡而不堅。設或腹滿而喘。則又爲可下之證。太抵諸喘爲惡。謂肺中邪盛而堅虛也。所以陰證發喘尤爲惡候。陰虛之人。腎氣上乘而喘急。用腎氣丸料導火歸元。可救十之三。至若兼動息搖肩。戴眼直視。汗出厥逆者。立斃。以邪氣上盛。正氣欲脫。必至喘滿。經曰直視譫語喘滿者。死。又身汗如油。喘而不休者。爲命絕也。

嘔者聲物俱出。吐者無聲出物。噦者有聲無物。太陽陽明合病。下利而嘔者。宜葛根加半夏生薑湯。少陽多嘔證。脈弦發熱。口苦而嘔。或寒熱往來而嘔。並宜小柴胡湯。倍加半夏生薑。先渴後嘔者。爲水停心下。宜茯苓半夏湯。先嘔後渴。爲欲解。可與水飲。太陽少陽合病。自利而嘔。宜黃芩加半夏生薑湯。寒厥嘔而不渴。宜薑附湯。嘔而發熱。心下鬱鬱微煩者。宜大柴胡湯。三陽發熱而吐。俱用小柴胡湯。發熱煩渴欲飲水。入卽吐。宜五苓散。曾經吐下後。關脈遲。胃中虛冷。

寒以有虛
實寒熱

熱病嘔
實之火
胃上炎

而嘔宜乾薑黃連人參湯。乾薑以溫裏。人參補正氣。參連反佐之。以遠格拒之。
寒。凡太陰腹滿吐食不下。脈沉者。宜理中湯。加半夏。
陳皮厚朴生薑之類。寒甚者。必加附子。凡少陰脈沉。
遲。飲食入口即吐。心下溫溫欲吐。復不能吐。手足寒。
者。四逆湯主之。凡厥陰乾嘔吐涎沫者。吳茱萸湯主。
之。若下利無脈。乾嘔煩者。白通湯加豬膽汁主之。凡。
溫熱病嘔吐者。火性上炎也。無問表裏。宜涼膈散嘔。
吐煩渴者。宜白虎湯。大抵嘔吐清水。即為寒證。若胃。
中有熱。必是涎液酸水。病機云。諸嘔吐酸及水液渾。

濁○皆○屬○于○熱○諸○病○水○液○澄○澈○清○冷○皆○屬○于○寒○此○可○見○
矣○又○噦○而○二○便○不○通○者○屬○實○熱○厥○逆○自○利○爲○虛○寒○凡○
嘔○不○止○者○藥○內○必○少○加○生○薑○汁○一○二○匙○服○之○最○妙○服○
藥○宜○徐○徐○呷○下○不○可○急○也○凡○服○藥○吐○出○不○納○者○先○將○
生○薑○汁○少○許○徐○徐○呷○下○然○後○徐○徐○服○藥○卽○不○吐○凡○過○
藥○不○可○用○甜○物○須○嚼○生○薑○爲○妙○

煩躁

五十

煩○者○心○不○安○而○擾○擾○心○胸○慍○怒○如○有○所○觸○外○不○現○形○
爲○熱○尙○輕○躁○者○身○不○安○而○憤○亂○手○足○動○掉○若○無○所○措○

煩躁有表
和裏熱
有燥屎
計下後虛
煩有少陰
證煩躁

內外不寧爲熱最劇。凡表邪不得汗出而煩躁者。須
汗之。凡熱盛脈浮數。不得汗出而煩躁者。宜速汗之。
凡病大熱。錯語呻吟。或乾嘔不得眠而躁。脈數者。宜
黃連解毒湯。或竹葉石膏湯。裏有燥屎。煩躁者。達臍
作痛。煩躁發作有時也。宜調胃承氣湯。凡發汗或下
之後。晝則煩躁。夜則安靜。脈沉微者。宜乾薑附子湯。
又發汗若下之。仍不去煩躁者。宜茯苓四逆湯。脈必
沉細。乃可用之。凡少陰證。身微熱。脈沉細。手足冷而
煩躁。宜四逆湯。面赤者。加蔥白。若無脈。乾嘔煩者。宜

陰極發躁
用藥不可
造次

虛熱病煩
躁屬三焦
大熱

白通湯加豬膽汁。凡少陰證吐利厥逆煩躁欲死者。宜吳茱萸湯。凡陰極發躁欲坐井中或投泥水中臥者。其脈沉微足冷但飲水不得入口。此陰盛隔陽氣欲脫而爭。譬如燈將滅而暴明矣。宜霹靂散或薑附湯。若或陰寒冷甚者。以艾湯下硫黃末二錢。翼時汗出乃愈。此秘方。救人有驗。溫病熱病表裏俱邪。三焦大熱煩躁大渴者。白虎湯涼膈散雙解散。三黃石膏湯。選用凡溫熱病初來多有表裏大熱之證。故雙解散。三黃石膏湯。並爲對證。必用之劑。凡不經汗下而

煩躁者爲實。汗下後煩躁爲虛。內熱曰煩。謂心中鬱
煩也。內熱爲有根之火。故但煩不躁爲可治。外熱曰
躁。謂氣外熱躁也。外熱爲無根之火。故但躁不煩爲
不可治。經論少陰病有曰四逆惡寒脈不至不煩而
躁者死。煩之與躁可治不可治判然矣。凡結胸證悉
具煩躁者死。發熱下利厥逆躁不得眠者死。少陰病
吐利煩躁四逆者死。煩躁爲常有之疾。復有不治之
證。臨病者尙詳辨焉。

佛鬱五十

佛鬱者。陽氣佛鬱。面色緣緣正赤也。傷寒汗出不徹。陽氣佛鬱在表。其人煩躁。不知痛處。須發汗乃愈。若腹滿潮熱。脈洪大而數者。因大便不通。火氣炎上而作赤色。宜大柴胡湯。時有微熱。佛鬱不得臥者。調胃承氣湯。汗吐下後。虛極。胃中虛冷。外氣佛鬱。乃假色見於面。而內寒也。理中湯主之。如冷甚者。加附子。溫熱病。面赤煩躁。飲水小柴胡湯。去半夏加栝蒌根。甚者。白虎加人參湯。內實潮熱不大便。涼膈雙解選用。大抵陰證佛鬱併下。虛者自是赤而不光。盛若陽證。

懊懣爲熱
鬱胸中爲
熱結胃中

裏不解併內實熱甚者赤而光盛也。要在詳察虛實而治。不可但見面紅便以爲熱也。

懊懣

五十

懣卽懣字古通用

懊懣者鬱鬱然不舒憤憤然無奈。比之煩躁而更甚也。凡發汗吐下後虛煩不得眠劇者必反覆顛倒。心中懊懣與陽明病下之。其外有熱手足熱而不結胸。心中懊懣饑不能食。但頭汗出。二者爲邪熱鬱于胸中。須梔子豉湯吐之。以湧其結熱也。陽明病下之心。中懊懣而煩。胃中有燥屎者。與陽明病無汗小便不

溫熱病煩
誤為熱毒
在于膈上

利心中懊懣者必發黃二者為邪熱結于胃中當須
大承氣湯茵陳湯攻之以滌其內熱也溫熱病懊懣
為熱毒蘊于膈上涼膈解毒選用識此等證者吐下
之不差湯劑之適當則無不愈者一或當汗反吐療
熱以溫則變證百出斑出黃生者多矣為醫者請精
究之

悸

五十
七

悸者心中築築然動怔忡不安也心悸之由二端為
多一者氣虛二者停飲氣虛者由陽氣內弱心下空

爲停飲爲
神液枯

虛正氣內動而爲悸也。宜小建中湯。或人參三白湯。
脈沉微者。宜真武湯。停飲者。由水停心下。心爲火而
惡水。水既內停。心不自安。則爲悸也。宜茯苓甘草湯。
或用五苓散。分利之。脈結代。心動悸。炙甘草湯主之。
又發汗過多。其人必叉手冒心。心悸喜按。亦宜炙甘
草湯。寒熱心悸。小便不利。心煩喜嘔。宜小柴胡湯。心
神不寧。怔忡不臥。宜安神丸。

戰慄振

五十
八

戰者。身之動搖也。慄者。心戰也。戰之與慄。戰外而慄

戰或止勝
將解慄為
陰寒內盛
又為血氣
俱虛

溫熱病發
戰宜清裏

內也。傷寒欲解。將汗之時。正氣內實。邪不能與之爭。則便汗出而不發戰。邪氣欲出。其人素虛。邪與正爭。微者為振。甚者則戰。戰退正勝而解矣。若不發戰而心慄者。此陰中為邪。必內慄也。凡正氣怯弱。寒邪在內。但心慄鼓頷而身不戰者。已而遂成寒逆。似此證多不得解。以陰氣內盛。正氣大虛。不能盛邪。反為邪所勝。非薑附四逆湯。大建中湯。兼與艾灸。何以禦之。溫病發戰。涼膈承氣。加生薑下之。必汗出而解。熱病發戰。宜白虎合解毒湯。有裏證者。涼膈雙解散下之。

又有但虛而爲振者。止聳動而振。不至于爭而爲戰者。屬血氣俱虛。不能榮養筋骨。其身不能主持。故爲之振搖也。須大補氣血。則可。宜人參養榮湯。身搖不得眠者。以十味溫膽湯。倍加人參治之。

渴

五十

凡傷寒發渴。或因熱耗津液。或因汗下過多。當分六經而治。太陽熱在表。則不渴。若熱傳入膀胱之本。則煩渴。脈浮數。小便不利。宜五苓散。切不可與白虎湯。凡陽明病。脈長。標熱無汗而渴。葛根解肌湯以汗解。

之。若陽明熱傳於胃中。本熱惡熱。澱澱汗出而渴。脈浮洪數者。宜人參白虎湯。切不可與五苓散。若陽明本熱內實。或蒸蒸而熱。潮熱煩渴。口燥舌乾。大便實者。須以大柴胡湯。或調胃承氣湯下之。凡少陽脈弦數。口苦咽乾。發熱而渴。及心煩喜嘔而渴。往來寒熱而渴。並宜小柴胡湯。去半夏加括蕒根。凡太陰自利。則不渴。惟少陰則口渴飲水也。小便色白者。此下虛有寒也。脈沉者。附子湯主之。凡厥陰口渴欲飲水者。少少與之。愈以其傳經盡。欲飲水爲欲愈之病故也。

溫熱病發
在裏
陽爲鬱熱

若身寒脈逆脈滑而口渴者此裏有熱也宜人參白
虎湯凡陰證煩燥口渴不能飲水此虛陽上迫而爲
假渴脈沉足冷者宜四逆湯冷飲之凡溫病熱病一
發卽煩渴引飲以鬱熱自內而發也故直格曰身熱
爲熱在表引飲爲熱在裏故溫熱病本末身涼不渴
及小便不赤脈不數者未之有也溫熱病發熱而渴
及渴欲飲水口乾舌燥者輕則黃芩湯加括蕁根重
則白虎湯凡傷寒溫熱病時氣等證欲飲水者爲欲
愈蓋腸胃燥熱不能祛散邪氣得水則能和其胃氣

陰證發渴。
用藥不可
造次。

汗出而解。若不與水。則乾燥無由作汗。遂至悶亂也。然與水當察邪熱之輕重。寧少與之。若熱少水多。不能滲化。則停蓄爲支結。喘嘔腫滿。下利等證。可不謹哉。要訣曰。亦有利清穀。純是陰證。而反見渴者。此是陰在下。隔陽于上。兼因洩泄。津液既去。枯燥而渴。其人雖引飲。自少。而常喜溫。不可投冷劑。宜理中湯。或四逆湯。加人參以溫之。醫貫曰。傷寒口渴。一證邪熱入于胃府。消耗津液。故渴。恐胃汁乾。急下之以存津液。其次者。但云欲飲水者。不可不與。不可多與。並

口燥咽乾。
有柴胡白
虎承氣補
中。之異治。

無治法。總有治法。徒加以黃連麥冬五味子天花粉。
甚則加知母石膏以止渴。此皆有形之水。以沃無形
之火。安能滋腎中之真陰乎。若以大味地黃料大劑。
服之。其渴立愈。何至傳至少陰而成燥實堅之證乎。

口燥咽乾 六十

引飲曰渴。不引飲曰燥乾。少陽邪在中焦。口苦舌乾。
不甚渴。脈弦。宜小柴胡湯。少陽脈弦。寒熱往來而嘔。
口燥咽乾。宜小柴胡湯。口乾少津液。脈浮緊微數。宜
參白虎湯。陽明無大熱。背惡寒。口燥咽乾。宜白虎

加人參湯。少陰病得之二三日。口燥咽乾。急下之。宜大承氣湯。此熱在下焦。消燥腎水。下不可緩也。凡汗下後。津液衰。及虛人水衰火燥。不可下者。以補中益氣湯。倍加人參。麥冬。黃蘗。知母。天花粉。以滋水。若脈沉足冷。舌燥者。多難治。

漱水不欲嚥

六十

此證屬陽明。凡內有熱者。欲飲水。今欲漱水而不欲嚥。是熱在經。裏無熱也。陽明氣血俱多。經中熱甚。迫血妄行。故知必作衄也。宜犀角地黃湯。不止。茅花湯。

不飲
無有桃仁
承氣四逆
湯白虎湯
之異治

外證無寒熱。漱水不欲嚥。必發狂。此瘀血停留也。桃
仁承氣湯下血乃愈。凡少陰脈沉細。手足冷。或時煩
燥。作渴。欲漱水不欲嚥。宜四逆湯溫之。又下利厥逆
無脈。乾嘔煩渴。欲漱水不欲嚥。宜白虎湯加豬膽汁。
人尿大抵陰證發燥煩渴。不能飲冷水。或勉強飲下。
良久仍復吐出。或飲水而嘔。皆內寒也。蓋無根失守
之火。遊于咽隘之間。但欲漱水不能飲水也。若飲水
不吐。復欲飲者。熱也。

發熱

六十

發狂有五
端宜詳辨

發狂者。熱毒在胃。併于心。神志不定而狂。少臥不饑。妄言笑。登高而歌。棄衣而走。踰垣上屋也。一曰陽盛發狂。陽盛則四肢實。實則能登高也。熱盛于身。則棄衣而走也。難經所謂重陽者狂也。熱盛則踰垣上屋。皆非素所能爲。乃病之使然。凡欲察脈施治。必先以涼水微噴其面。或以硝水法搭胸前。以折其熱勢。取其稍定。乃可察脈。若脈之實大滑大。便秘。鞭。臍滿。鞭。急。以大承氣湯。倍加芒硝下之。若勢輕。未可大攻者。宜三黃石膏湯。一曰畜血發狂。血上逆則喜忘。血下

者則如狂。凡熱在下焦。小腹當鞭滿。小便自利者。畜血也。宜桃仁承氣湯。輕者喜忘如狂。宜犀角地黃湯。其人素有積熱于內。因傷寒失于汗下。其熱蘊而爲毒。發狂。眼赤。脈洪。口渴。斑爛。譫語。宜黃連解毒湯。甚者承氣湯。汗吐下後虛者。宜人參白虎湯。加辰砂。一曰溫病熱病發狂。熱毒內盛。脈大。腹滿便秘。發狂者。并宜承氣。合黃連解毒。若脈浮兼表證者。雙解散。三黃石膏湯。加生薑。皆能發汗解表。二藥解散畜熱極爲穩當。必不至變生別證。凡溫熱病脈小厥逆者。不

陰證發狂
用藥不可
延次

治。一。日。陰。證。煩。燥。如。發。狂。狀。此。非。狂。也。爲。陰。極。發。燥。
周。身。之。火。浮。遊。于。外。欲。坐。井。中。欲。投。泥。水。中。臥。或。欲。
向。陰。涼。中。坐。燥。亂。不。安。亦。如。狂。也。但。手。足。逆。冷。脈。息。
沉。微。遲。細。雖。煩。燥。不。能。飲。水。者。是。也。宜。霹。靂。散。附。子。
湯。之。類。救。之。不。可。一。例。以。陽。狂。治。也。宜。審。脈。證。仔。細。
詳。辯。之。設。若。差。進。則。人。之。命。在。須。臾。而。已。發。狂。難。制。
醋。沃。火。炭。令。氣。沖。其。鼻。中。卽。定。然。後。察。其。陽。狂。陰。燥。
用。藥。不。定。者。爲。神。亂。無。主。必。死。

譏語為汗
 多亡陽為
 熱入血室
 為三陽合
 病為溫熱
 病誤用表
 藥為瘀血
 為厥厥

譏語者。語言訛謬而無倫也。經曰實則譏語。此之謂
 也。蓋熱邪傳變入深。蘊於胸中。則昏其神氣。遂語言
 無次而妄說也。熱邪輕者。惟睡中譏語。醒則無矣。如
 熱邪重者。卽不睡亦譏語。如熱極者。罵詈不避親疎。
 不識人。此神明之亂也。譏語蓋非一端。要在辯之而
 已。發汗多。亡陽譏語。以胃為水穀之海。津液之主。發
 汗多。亡津液。胃中燥。必發譏語。此非實熱。故不可下。
 以柴胡桂枝湯和其營衛。以通津液。後自愈。婦人經
 水不通。熱入血室。宜小柴胡湯。譏語不惡寒。反惡熱。

下利識語
用藥不可
差次

宜自虎湯。玉陽合病。身重腹滿。難以轉側。口中不和。
面垢識語。遺尿自汗。脈滑實。宜自虎湯。潮熱。手足心
腋下濺濺汗出。其脈沉實。或滑數有力。調胃承氣湯
下之。溫熱病。誤用表藥。熱傳三焦。識語悶亂者。三黃
石膏湯加大黃下之。瘀血識語。小便利大便實。小腹
滿。手不可近。宜桃仁承氣湯下。利識語。脈滑而數。有
宿食也。以承氣湯下之。此燥實結實。胃中稀水。傍流
之物。非利也。必須能識滑數之脈者。乃可下之。此通
因通用之法。妙在于脈也。戴元禮曰。有虛人感冒發

熱。纔。得。一。二。日。熱。不。爲。久。又。不。爲。重。便。見。讖。語。此。乃。
虛。不。禁。熱。不。可。遽。用。十。分。冷。劑。婁。全。善。曰。讖。語。者。氣。
虛。獨。言。也。此。出。素。問。余。用。參。朮。歸。耆。等。劑。治。讖。語。得。
愈。者。百。十。數。豈。可。不。分。虛。實。一。槩。用。黃。連。解。毒。大。小。
承。氣。以。治。之。乎。大。抵。脈。短。則。死。脈。自。和。則。愈。又。身。微。
熱。脈。浮。大。者。生。逆。冷。脈。沉。不。過。一。日。死。或。氣。上。逆。而。
喘。滿。或。氣。下。奪。而。自。利。皆。爲。逆。也。

鄭聲

六十
四

鄭聲者。鄭重煩煩謬語。諄諄不已。經曰。虛則鄭聲。如。

老人遇事則譁語不休。以陽氣虛故也。成氏以爲聲轉其本音。三理並通。故兩存之。大抵鄭聲乃因內虛。正氣將脫而言。皆不足之狀。如手足冷。脈沉細。口鼻氣息短少。所說言語輕微無力。氣少難以應息者。皆元氣將脫也。若神昏氣促。吃逆不止。不知人事者。死。如氣息不促。手足頗溫。其脈沉細而微者。急以附子湯倍人參主之。或濃煎上好人參一味膏子。徐徐與之。或水可用附子者。宜三白湯倍加人參。